

Magtubu to Pol li bij Pilémô Kwôlo kôl kwôli magtubu to Pol li hen

Pilémô na, na kwôni wo dami wo ay bôri men, na kwôni wo églis to Kwolôs a a men. Ôbi na melañ *ôbi jé Pol a men (bêrsé 1). Ôbi na ôriñ nañ lema iyére tori wo hini na Onésim wo na si ge añ iyé Pilémô a añ ô uné Pol bô dangay a Rôm a. Añ Pol ayri bôri. Menba, Pol genge wô jéñ nañ ði hôriñ bij ôbi iyéyriri Pilémô. Na ôbi á, ôbi ré li magtubu hende to hen biri wô uwôlêri bi ôbi ré biri yiri mega lema iyôñ ré, niñ niñba, mega yêni tô kwôlo Emen a. Bijé ka pôni kôl ré na Onésim a na ré erañ nañ magtubu to Pol li bij kamañ ka Kwolôs men to ôbi li bij Pilémô men hen. Magtubu hende to hen kini soderére a na:

Bêrsé 1-3 na, dosé to Pol liñ Pilémô nañ bijé ka bô iyére tori a.

Bêrsé 4-7 na, Pol liñ Emen dosé wôsa ayé bôô wori men, wô yi gwa wo Pilémô a men.

Bêrsé 8-22 na, Pol kôliñ Pilémô gengiñ sa Onésim wo ðiré ða jéñ nañ ði hôriñ biri hen.

Bêrsé 23-25 na, ôbi liji dosé deriñ kibi magtubu tori.

Pol li magtubu hende hen nañ tôô to jali bij melañni Pilémô. Ôbi ay tôô tôni biri ré men, ðiri ani kani ereñ sari a ré men, ôbi hôn wo Pilémô a ré na ôbi sa Onésim a men. Ôbi kôliñ Pilémô men, bijé kê m ka dêñse magtubu hende to hen

na, mega wo bê bôô sa Krist a ré bul erê yi a ré wo perê gawrê hen lij kwo dôri.

Dosé to Pol lij Pilémô

¹ Nôbi Pol wo en yi danḡay a wô kibi jé wo *Krist Jésu wo en li hen. Nibay naḡ yêna Timoté a lê magtubu hende to hen bem jôbi yêni Pilémô melannini men, megarni ôbi jé men hen.

² Lij yêreni Apiya men, lij Arsip wo na megarni ôbi kumbul hen men, lij églis to bô iyére tom a hen dosé béni men.

³ Bi bô derê naḡ bô jalê wo Ibarna Emen naḡ kwo Kelma Jésu Krist baa naḡ ken.

Kwôli ayê bôô wo Pilémô naḡ geyé wo ôbi gey bijné ka Emen hen

⁴ Pilémô, kirija en uwôl Emen na, en erem sam a menba, en liri dosé kwôy kwôy.

⁵ Wôsa en toy kôli geyé wo ju gey bijné ka Emen kêmen hen men, kwôli bôm wo ju bi sa Kelma Jésu a men hen.

⁶ En uwôl Emen bi ayê bôô wo dayem naḡ nini hen ré ô tumô tumô men, bi ré bem ju hônij anḡa dôri kêmen ka nana uwôn tô Krist a hen men.

⁷ Yênen, geyé wo ju gey bijné ka Emen hen na, ben yi derê damaḡ men, dôben ibiyare bôn a men, wô jalê wo ju jal bô bijné ka Emen hen.

Pol sôm sa Pilémô a wô sa Onésim

⁸ Na ôbi á, bi wo ani kaḡ bay jôrenare tô Krist bi ené ay tôô bem jeré lij anḡa yi lê hen naḡ hen haji,

⁹ kôba, wô geyé wo nana geyiŋ yerna hen na, ené ena uwôlem hen, nôbi Pol wo ena kwo iyêri aŋ haw hen en yi danggay a wô jé wo Jésu Krist wo en li hen.

¹⁰ En uwôlem wô sa Onésim wo na keman wo en yêri tô Jésu Krist a kirija en yiŋ danggay a hen.

¹¹ Na ca ba, ôbi na yi ani tum a ré, niŋba, haw hen ôbi yi are tun a men, tum a a men niŋ.

¹² En hô jéŋ naŋ dī hôriŋ bem ôbi wo en geyri damaŋ hen.

¹³ Ré ené geméri legen a nà, bi ôbi ré li naŋ en hôlmêm a kirija en yiŋ danggay a wô kibi Kwôlo Dôri hen,

¹⁴ niŋba, en gey lê iyôŋ mera baa engeremare ré ré. Wôsa en gey berem ereŋ bi jiré li derê naŋ en né, niŋba, bi jiré li naŋ bô geyé wom dī.

¹⁵ Dô réba ôbi na dém aŋ sem aŋ bi jiré hô uwonni naŋ kunem yôd niŋ.

¹⁶ Niŋba, na mega lema iyôŋ ré niŋ, niŋba, ôbi dô dê lema dê niŋ men, ôbi na yênem wom niŋ men. En geyri gaŋ, niŋba, kwom jôbi ba já geyéri gôlen aŋ sôŋ, wôsa ôbi na lema wom men, na yênem tô Kelma a men.

¹⁷ Hena ju ré bôren môŋ megam ôbi jé iyôŋ na, ju biri yem a mega wo ré jeré beren na nôbi yem a hen iyôŋ men.

¹⁸ Hena ôbi na ré lêm aŋga habiŋ kani ley, hena ôbi na ré naŋ telare tom sari a ley na, ju dén san a.

¹⁹ Nôbi Pol a lê kwôlê bi wo hen naŋ kôben wupê hen na, na hô têbem are bay ka hen hôriŋ.

Jôbi kôba, ju hôn wo wô kibi ayê bôô wom na, telare tijê baa sam a ya men.

²⁰ Yênen, li are bay ka en engerem hen ben wô kibi peré wo nana pur Kelma hen men, ju jal bôn a men, wôsa nana yêê tô Krist, kwo Emen dôri hen.

²¹ Kirijna en lij magtubu hende to hen na, en hôn wo jeré lê dê ka en engerem hen aṅ sôṅ.

²² Nan iyére pôn dén, wôsa en bi bôn wo Emen ré toyé uwôlê wonṅe aṅ ré belê geré ben bi ené bijṅ unéṅge.

Gerjé dosé to Pol lij Pilémô

²³ Epapras wo yi danggay a naṅ en wô jé wo Jésu Krist wo nini li hen lêm dosé.

²⁴ Men, Mark men, Aristark men, Démas naṅ Luk miljén bay jé kôba, lêm dosé a men.

²⁵ Bi bô derê wo Kelma Jésu Krist baa naṅ ken.

Kimré
Kimré: Magtubu tôô toj bîpare to kôrbi New
Testament

copyright © 2007 Wycliffe Bible Translators, Inc.

Language: Kimré

Contributor: Wycliffe Bible Translators, Inc.

All rights reserved.

2025-05-07

PDF generated using Haiola and XeLaTeX on 7 May 2025 from source files
dated 7 May 2025

9dff176-4e78-52cc-9acd-204efe85cf84